

REVERENDISSIMO
IN CHRISTO P. CLARISSIMO QVE
PRINCIPI AC DOMINO D. MAXIMILIANO
A BERGIS, ARCHIEPISCOPO ET DUCI CAMERACENSI,
*Sacri Imperij Principi, Comiti Cameracesii, & c. Domino suo modis omnibus ob-
seruando, Iacobus Froius S. Pl. precatur.*



ON scitè minus quām prudenter à Platone dictum est, Præsul amplissime idemq; princeps Illustrissime, διξ καὶ τρις τὸ καλόν. Nam sic ferè naturā comparatum est, vt eximia pulchritudine & elegantia quæ sunt prædita, eò impensis placeant, quo sēpius repetuntur. Contrà, quę vulgaria tantūm sunt aut intra mediocritatem consistunt, quanquam primūm contemplanti ipsa nouitate satis arrident, tamen paulatim perdunt gratiam, moxque repetita sordescunt. Id quod, si vsquam alibi, certè in alienis scriptis legendis, haud secus atque in tabulis spectandis vsu venire solet. Sicut enim tabula ab insigni artifice elaborata, eò magis intuentium oculos pascit ac retinet, quo propiùs & fixiùs inspicitur: ita librum à viro tum pietate, tum eruditione præstanti elucubratum hoc magis magisque iuuat relegere, quo sēpius ac pensiculatiūs euoluas. Id verò, cùm alia multa, tum vnius Ludouici Bloſij, viri in omni disciplinarum genere exercitatissimi, abundè testantur varia opuscula vbique gentium dilaudata: quæ licet iam toties fuerint typis expressa & diuulgata, tanto tamen studio à spiritualis vitæ candidatis comparantur, vt subinde noui comperiantur, quorum votis non sit factum satis. Quo factum, vt Ioannes Bogardus, apud Louanios Typographus cum primis celebris, operæ pretium se facturum aestimārit, si omnia in vnum velut corpus redacta denuò sub prelum reuocaret. Proinde ingenti prudentia, & multo rerum vsu edictus, quum permagni referre intelligat, vt quām fieri possit castigatissima in manus hominum exeant, non mediocri studio à me contendit, vt hac in re meam ipsi operam accommodarem. Quod equidem haud grauatim facturum me recepi, homini præsertim tam amico, in re tam honesta, & ad rectioris vitæ institutionem pertuli, ac tantum nō necessaria. Idq; eo feci libentius, quòd huc quoque alijs complures non infimæ notæ amici, ac viri graues, me inuitarent. In primis ergo libros ad vnum omnes quanta maxima potui diligentia, à capite (quod aiunt) ad calcem legi ac relegi, mendas, quæ librariorum, seu potius operarum incuria irrepserant, erasi, deprauata restitui, apices, verbaq; singula euentalui, γνῶμας & rerum capita vt plurimū, quum & scripturæ loca passim in marginem subieci. Sed & initio singulorum capitum, separatim cuiusque loci sententiam paucis comprehensam præfixi, præterquam in libellis precum, paucisque aliis, in quibus ea cura superuacanea videbatur. Ceterum non aliū mihi ordinem sequendum existimai, quam vt eo quemq; loco librum collocarem, quo ab ipso autore & scriptum & editum noueram, nisi quod Monachum D. Chyfostomi, ab ipso admodum iuuene Latinum factum, (cui propterea primus non immerito debebatur locus) Collyrio subiectum reliqui, quòd sic antea fuisset excusus. Alioqui Speculo Monachorum, quod Dacryani titulo hactenus circunfertur commodè satis præponi poterat. Cui quidem Speculo visum est vltimum locum assignare, ob eam potissimum causam, quòd illud pro legitimo fœtu non agnosceret noster Bloſius, vt qui eius non solus, et si præcipius, esset parens. Iam verò, quia nihil minus cogitabat, quum sua scriberet, quām vt olim omnia in vnum veluti corpus compingerentur, factum est, vt non rarò in posterioribus scriptis repeteret, quæ in prioribus digesta habebantur, hoc vnum spectans, vt alienā magis salutem promoueret, quām vt suo honori consuleret: idq; studiosè agens, vt qui forte in vnum aliquem libellorum incidisset, ne quid eorum desideraret, quę ad suum institutum facere viderentur. Itaque in hac editione satiùs esse duximus cum delectu expungere quæcumque ad eum modum fusiùs repetebantur, ne tedium lectori adferrent eadem identidem iterata. Porrò illud neminem mouere debet, quòd singulis penè libris attexuerit preces atque δοξολογίας è Christi doctrina, vita, ac morte ferè petitas. Intelligebat enim vir insigniter pius, nec minus prudens, non ita magna ad rectè viuendum momenta esse posita in nuda lectione, nisi eadem ardentibus & ab imo pectore profectis precibus fulciantur: quando neque qui plantat est aliquid, neque qui rigat, sed qui incrementum dat Deus. Qui quidem votis assiduis est implorandus pulsandus, fatigandus, vt suam nos voluntatem non tam agnoscere quām etiam perficere doceat. Verissimè namq; scribit Prosper ille Aquitanicus, gratiæ assertorum secundum beatum Augustinum facile princeps: Agnitionem Dei

^{1. Corint 3.}

non